



Universitätsbibliothek Paderborn

Capitularia Regvm Francorvm

Additae sunt Marculfi monachi & aliorum formulae veteres, & Notae
doctissimorum virorum

Baluze, Etienne

Parisiis, 1677

2. De sanguinis effusione.

urn:nbn:de:hbz:466:1-19366

78. De eo qui furem in domo repperit.
 79. De homine penduto & ejus hereditate.
 80. De via lacina.
 81. Ut parvulus non respondet ante quindecim annos.
 82. De damno in messe vel in clausura.
 83. De maleficio.
 84. De Graffone injisio invitato.
85. De corpore expoliato.
 86. De caballo exorcicato.
 87. De homine forbannito.
 88. Ut nemo munera in judicio accipiat.
 89. Ut iudices sive Missi fiscales freda non exigit priusquam facinus componatur.

EXPLICIUNT CAPITUL A.

INCIPIT LEX RIPVARIORVM.

I. De icta ingenuorum.

Si quis ingenuus ingenuum icta percussit, solidi uno culpabilis judicetur. Si bis, duobus solidis. Si ter, tribus solidis culpabilis judicetur.

II. De sanguinis effusione.

Si quis ingenuus ingenuum percussit, ut sanguis exeat, terramque tangat, bis novem solidis culpabilis judicetur. Aut si negaverit, cum sex juret.

III. De osse fracto.

Si quis ingenuus ingenuo in quolibet membro os fregerit, xxxvi. solidis culpabilis judicetur, aut cum sex juret.

IV. De penico.

Si quis ingenuus alterum transpuncxit, aut infra costas plagaverit, xxxvi. solidis culpabilis judicetur, aut cum sex juret.

V. De debilitibus.

I. Si quis ingenuus ingenuo auriculam excusserit, ut audire non possit, centum solidis culpabilis judicetur. Si autem auditum non perdidit, quinquaginta solidos componat.

II. Si nasum excusserit, ut maccare non possit, centum solidis culpabilis judicetur. Si maccare prevalet, quinquaginta solidos componat.

III. Si quis ingenuus ingenuo oculum excusserit, centum solidis culpabilis judicetur. Si virus in oculo restiterit, ita ut videre possit, quinquaginta solidis culpabilis judicetur.

IV. Si manum excusserit, centum solidis culpabilis judicetur. Si manus ibidem manca peperderit, quinquaginta solidos componat.

V. Si quis ingenuus ingenuo pollicem excusserit, quinquaginta solidis culpabilis judicetur. Quod si pollex ibidem mancus peperderit, viginti quinque solidis culpabilis judicetur.

VI. Sic in omni mancione, si membrum mancum pendiderit, medietatem componat quam componere debuerat si ipsum membrum abscessum fuisset.

VII. Si secundus digitus, unde sagittatur, excussum fuerit, triginta sex solidis componatur.

VIII. Si quis ingenuus ingenuo pedem excusserit, centum solidos componat. Si pes mancus ibidem pendiderit, quinquaginta solidis culpabilis judicetur.

IX. Si articulum qualcumque amputaverit, triginta sex solidis culpabilis judicetur.

X. Ita omnia si negaverit, cum sex juret quod hoc non fecisset.

V. I. De castratione.

Si quis ingenuus ingenuum castraverit, ducentis solidis culpabilis judicetur. Aut si negaverit, cum duodecim juret.

VII. De homicidio ingenuorum.

Si quis ingenuus hominem ingenuum Ripuanum interficerit, ducentis solidis culpabilis judicetur. Aut si negaverit, cum duodecim juret.

VIII. De homicidii fervorum.

Si quis servum interficerit, triginta sex solidis culpabilis judicetur, aut cum sex juret quod hoc non fecisset.

IX. De homicidii hominum Regis.

Si quis hominem regium interficerit, centum solidis culpabilis judicetur, aut cum duodecim juret.

X. De homicidii hominum ecclesiasticorum.

I. Si quis hominem ecclesiasticum interficerit, centum solidis culpabilis judicetur, aut cum duodecim juret.

II. Sic in reliqua compositione unde Ripuarus quindecim solidis culpabilis judicetur, regius & ecclesiasticus homo medietatem componat, vel deinceps quantumcumque culpa ascenderit.